

**Қазақстан Республикасы Ұлттық Банкінің
ақпараттық хабарлары**

Ақшаны жария ету науқанының жоғары тиімділігі байқалуда – Ұлттық Банк

Жүргізіліп жатқан ақша қаражатын жария етудің тиімділігіне арнайы банк шоттарын ашқан 1 200-ден астам қазақстандық сенім білдірді. Бұл шоттарға 859,1 млрд. теңге салынды. Бұл туралы бүгін Парламент Мәжілісі Қаржы және бюджет комитетінің кеңейтілген отырысында сөйлеген сөзінде ҚР Ұлттық Банкі Төрағасының орынбасары Олег Смоляков хабарлады.

«Ақшаны жария етудің бұрын-соңды болмаған икемді талаптары мен міндетті рәсімдерді ырықтандыру азаматтарымызға соңғы 6 айда 1028 шот ашуға мүмкіндік берді, ол шоттар арқылы бүкіл ақшаның 90%-ы жария етілді», - деді О.Смоляков. Ол биылғы жылдың 25 мамырдағы жағдай бойынша ақшаны жария етуге Алматы, Астана қалалары, Атырау, Қарағанды және Оңтүстік Қазақстан облыстары халқының белсендірек қатысып жатқанын нақтылады.

Ұлттық Банк басшысының орынбасары қазіргі кезде ақшаны екі тәсілмен жария етуге болатынын еске салды. Бірінші тәсілде, оның айтуынша, ақшаны жария ету мақсаты үшін банкте ашылған арнайы банк шотына есепке алу және тұрғылықты жері бойынша мемлекеттік кірістер органына бөлек декларация табыс ету қажеттілігі көзделеді. Бұл ретте жария ету субъектісіне ақшаны шотта сақтау мерзімі және алым төлеу бойынша ешқандай талап ұсынылмайды. Ақша шотқа есепке алынғаннан және декларация табыс еілгеннен кейін жария ету субъектісі жария етілген ақшаны кәсіпкерлік қызметте пайдалануға құқылы.

«Екінші тәсіл шетел банктеріндегі ақшаны тұрғылықты жері бойынша мемлекеттік кірістер органына арнайы декларация табыс ету арқылы жария етілетін ақша сомасының 10% мөлшерінде алдын ала алым төлеу шартымен ақшаны арнайы банк шотына есепке алмай жария етуге мүмкіндік береді», – деп нақтылады О.Смоляков.

ҚР заңнамасымен мүлік пен ақшаны жария ету талаптарының айтарлықтай жеңілдегенін, сондай-ақ азаматтар үшін конфиденциалдылық пен қауіпсіздіктің қосымша кепілдіктерінің енгізілгенін еске саламыз.

2015 жылғы желтоқсаннан бастап жария етілген ақшаны арнайы шоттардан мерзімінен бұрын алғаны үшін алым жойылды, сондай-ақ ақшаны арнайы шоттарда міндетті сақтау мерзімі бойынша талапты қолдану тоқтатылды.

Рақымшылық туралы заң жария ету бойынша науқанға қатысушылардың мүдделерін барынша қорғайды – Ұлттық Банк

Науқанға белсенді ат салысқан азаматтар үшін жария ету мақсатында ұсынылатын мәліметтерді қорғау бойынша кеңейтілген кепілдіктер қолданылады. Бұл туралы бүгін Парламент Мәжілісінің Қаржы және бюджет комитетінің кеңейтілген отырысында сөз сөйлеген ҚР Ұлттық Банкі Төрағасының орынбасары Олег Смоляков хабарлады.

Ол азаматтардың ақшаны жария ету барысында банктерге немесе салық органдарына ашатын немесе ұсынатын барлық мәліметтері құпия болып табылады және жария етілмеуге, үшінші тұлғаларға берілмеуге тиіс деп атап өтті.

«Сонымен қоса, қаржылық кепілдіктер де қолданылады. Арнайы шотқа енгізілген барлық ақшаға Қазақстанның депозиттерге кепілдік беру қоры оларды теңгемен енгізген жағдайда – 10 млн. теңге және шетел валютасында енгізген жағдайда – 5 млн. теңге мөлшерінде кепілдік береді», - деп толықтырды қаржы реттеушісінің өкілі.

Қазақстанда мүлікті және қаражатты жария ету бойынша науқан 2016 жылғы 31 желтоқсанға дейін жүргізілетіндігін атап өткен жөн. Науқанға 31 банк пен Ұлттық почта операторы қатысады.

Ұлттық Банк ақша қаражатын жария ету рәсімін жан-жақты түсіндіреді

Қазақстан Республикасының Ұлттық Банкі ақшаны жария ету мәселелері бойынша БАҚ-та және интернетте белсенді түсіндіру жұмысын жүргізуде. Бұл туралы бүгін ҚР Ұлттық Банкі Төрағасының орынбасары Олег Смоляков Парламент Мәжілісінің Қаржы және бюджет комитетінің кеңейтілген отырысында сөйлеген сөзінде хабарлады.

Оның айтуынша, Ұлттық Банк халықтың осы науқан туралы хабардар болуын арттыру жөнінде кең ауқымды жұмысты жүйелі түрде жүргізіп отыр, ал қаржы реттеушісінің мамандары бұқаралық ақпарат құралдары арқылы ақшаны жария ету нәтижелері туралы жұртшылықты жиі хабардар ете бастады.

О.Смоляков: «Жария ету кезеңі ішінде республикалық және өңірлік БАҚ-та мемлекеттік және орыс тілдерінде 170 ақпараттық хабар дайындалды» - деген статистиканы келтірді.

Ол Ұлттық Банктің ресми порталында азаматтардың және қаржы ұйымдарының жиі қойылатын сұрақтарына жауаптар, науқанның барысы туралы статистикалық ақпарат, жария ету рәсімдеріне енгізілген өзгерістер бойынша түсіндірмелер орналастырылғанын атап өтті.

О.Смоляков қаржы реттеушісінің банктерге жария ету талаптары туралы өз клиенттерін үнемі ақпараттандыруға және тиісті мәліметтерді корпоративтік сайттарда және банкоматтарда орналастыруға, оның ішінде private banking бөлімшелерінің клиенттеріне жеке консультация беруге ұсыныс жасағанын да атап өтті.

«Ұлттық Банк тұрақты негізде ҚР ҰБ-тың филиалдарымен және банктердің дербес қызмет көрсету орталықтарымен азаматтарға жария ету туралы қажетті ақпаратты ұсынудың сапасын бақылау бойынша жұмыс жүргізуде», – деп қорытындылады О.Смоляков.